

Guhdarîkirina kesên parastin li YE wergirî li Daîreya Koçberan

Tu hafî bangkirin bo guhdarîkirina Daîreya Koçberan. Vê şîretê baş bixwîne ku behsa maf û erkên te di guhdarîkirinê de dike. Eger pirseke te derbarê şîretê hebe, dikarî li destpêka guhdarîkirinê ji kar-mendên Daîreya Koçberan bipirsî.

Armanca guhdarîkirinê çi ye?

- Te ji Fînlândayê dawa penaberiye kiriye. Di guhdarîkirinê de wan mijaran zelal dîkin ku dikarin tesîr hebe ka daxwaza te li Fînlândayê were lêkolîn yan na. Di guhdarîkirinê de sebebên daxwaza penaberiye nayê lêkolîn.
- Dawa te dikare neyê lêkolîn eger te ji welatekî din yê Yekîtiya Ewropayê mafê parastina navneteweyî wergirtibe. Hingê di guhdarîkirinê de zelal dîkin ka çima divê dawa te were lêkolîn û li Fînlândayê ji ber sebebeke însanî yan ji ber qurbaniya bazirganiya bi mirovan îqameyê bidin te.
- Eger ji ber sebebeke din daxwaza îqameyê bikî, divê daxwaza din ya bipere pêşkêş bikî. Ew sebeb dikare bo nimûne têkiliya malbatî be.

Di guhdarîkirinê de mafên te çi ne?

- Mafê te heye parêzer anku avukat li gel xwe bînî guhdarîkirinê. Parêzer bi xwe biryara beşdarîkirinê dide.
- Divê tu bi xwe parêzerekî peyda bikî. Eger parêzerekî peyda nekî bo guhdarîkirinê, em dikarin bêyî parêzer jî guhdarîkirinê saz bikin.

- Di guhdarîkirinê de tercimanek heye. Karê terciman wergirandina bêalî ya her tiştî ye ku di guhdarîkirinê de tê gotin. Terciman dibe ku li cih be yan jî bi telefonê yan bi vîdyoyê di têkiliyê de be.
- Erkê nepenîparastinê li ser guhdarîker, terciman û parêzer heye, anku nabe ew tiştên di guhdarîkirinê de bihîstiyê bo ti kesî li derve aşkere bikin. Em dikarin gofinên te ji endamên balbata te jî veşêrin eger aşkerebûna wan bikare xeterê yan ziyane bigihîne te yan kesekî nêzîkî te. Dikarî di guhdarîkirinê de nêfîna li ser wê yekê bibêjî.
- Belgenameyên derbarê te wek xala destpêkî bi nepenî tînin parastin.

Di guhdarîkirinê de çi erkên te hene?

- Di berjewendiya te de ye ku behsa hemû tiştên ku tesîrê li daxwaza te dikin bi xwe bibêjî.
- Di berjewendiya te de ye ku behsa mijarên zehmet jî bikî.
- Eger tiştêkî nizanî yan neyê bîra te, hewl nede ku bersivêkê ji bal xwe ve çêkî. Dayîna agahiyên nerast dikare bibe sebebê bawernekirina ji dawa te.
- Di guhdarîkirinê de nasnameya xwe rast bibêje. Eger belgenameyên ku nasnameya te bipeyîfînin tine bin, divê hewl bidî wan peyda bikî û bigihîni Daîreya Koçberan. Ev belge bo nimûne belgeyên nasnameyê û belgeyên seferkirinê ne. Tu dikarî dûvre agahiyên nasnameya xwe tenê bi belgenameyên resmî yê hikûmî biguherîni. Tu dikarî dûvre agahiyên nasnameya xwe tenê bi belgenameyên resmî yê hikûmî biguherîni.
- Daîreya Koçberan agahiyên nasnameya te di sicila karûbarên biyaniyan de qeyd dike ku tomareke hikûmî ye û di meşandina karûbarên dawanameyên te dixebitîne. Dayîna agahiyên şaş bo tomarên hikûmî tawan e û tê cezakirin.
- Dayîna agahiyên nerast yê nasnameyî bo karbidestan tawan e û tê cezakirin.
- Haydar be ku dayîna agahiyên şaş yan veşartina agahiyên rast dikare paşî bibe sebebe betalkirina îqameya ku hatiye dayîn yan meşandina karûbarên te dijwar bike.

Çawa xwe bo guhdarîkirinê hazir bikî baş e?

- Berî guhdarîkirinê hemû şîret û belavokên karbidestan dayî te bixwîne û bîne bîra xwe
- Eger ji ber sebekek maqûl hêvî bikî ku terciman an guhdarîker jin an mêr be, berî roja guhdarîkirinê bibêje karmendekî kampa xwe. Karmend dê hêviya te bigihîne Daîreya Koçberan. Daîreya Koçberan biryar dide ka sebeb maqûl e.

- Eger halê te yê laşî yan ruhî wisa be ku tesîrê li ser guhdarîkirinê bike, bibêje karmendekî kampa xwe. Karmend dikare bi izna te berî guhdarîkirinê wê bibêje Daîreya Koçberan.
- Xwarinê yan pare bo firavînê li gel xwe bîne.
- Dermanê bi rojê bo te lazim bin li gel xwe bîne.
- Hemû wan belgename û îsbatan li gel xwe bîne ku têkilî dawa te ne.
- Zarokan li gel xwe neîne. Eger tu hewceyî çavdêriya zarokan bî, berî roja guhdarîkirinê bibêje kampa xwe.
- Berî dema xwe were. Bo gihîştinê zû bi rê bikeve. Kampa te dê şîretan bide te ku çawa dikare bigihî Daîreya Koçberan.

Roja guhdarîkirinê li Daîreya Koçberan wiha bike

- Nikarî bêyî sebebekî rewa dema guhdarîkirina xwe paş bixî. Eger roja guhdarîkirinê nexweş bî, yekser navenda pêşwazîkirina xwe agahdar bike. Divê tu gotareke hemşîreyan yan bijîşkan derbarê nexweşiya xwe bigihînî Daîreya Koçberan ne derengtir ji 1 heftê ji roja guhdarîkirinê ve. Eger bêyî sebebê maqûl li guhdarîkirinê hazir nebî, dikarin bêyî guhdarîkirinê biryar were dayîn.
- Gava tu tê avahiyê Daîreya Koçberan, dikarin teffîşê li te bikin.
- Karta xwe ya mişteriyatîyê nîşanî dergehvanê Daîreya Koçberan bide.
- Tenê kesên gazîkirî dikarin bî avahiyê Daîreya Koçberan û kesên ku biryar li ser hatina wan li gel te hatiye dan.
- Eger bixwazî alîkarek li gel te bê, tu yan ew dikare pêştir bi nivîskî ji Daîreya Koçberan daxwaz bike. Wek din guhdarîker biryarê dide ka alîkar dikare beşdar bibe yan na. Alîkar ne parêzer e û beşdarî ronkirina meseleyê nabe.
- Guhdarîker karmendekî Daîreya Koçberan e. Ew dikare li cih be yan jî bi riya vîdyoyê beşdar bibe.
- Dengê guhdarîkirinê tê qeydkirin. Li odeyê herwiha kameraya çavdêriyê ya qeydker heye.
- Eger hewce be bêhnvedan di guhdarîkirinê de tên kirin. Tu dikarî herdem dawa bêhnvedanê bikî.

Di guhdaŕîkirinê de çî dibe?

- Destpêkê guhdaŕîker dibêje ka di guhdaŕîkirinê de çî dibe û piştrast dike ku tu maf û peywirên xwe fehm dikî. Bîpirse eger tiştêkî fehm nekî. Bibêje eger ji terci-man fehm nekî.
- Guhdaŕîker van tiştên jêrîn ji te dipirse:
 - agahiyên nasnameyê
 - agahiyên malbatê û mirovan
 - agahiyên îqameyan, vîzeyan û dawayên penaberiye li welatên din
 - riya hatina Fîrlandayê
 - sebebên ku çima nabe te vegeŕînin welatekî din
 - sebebên ku divê daxwaza te li Fîrlandayê were lêkolîn eger te parastina navneteweyî li welatekî din wergirtibe
 - nêrîna te li ser derxistina ji û qedexekirina hatina welat
- Rastgo bersiva pirsan bide. Bersiva ji ba xwe ve çêneke. Bibêje eger tiştêkî nizanî yan neyê bîra te.
- Daîreya Koçberan dikare di guhdaŕîkirinê de derbarê mijarên tesîrker li ser biryarê ji te bîpirse. Bo nimûne, eger şik hebe ku te li Fîrlandayê tawanek kiriye yan tu hafî hukimdan, dibe ku tesîra wê li ser biryara Daîreya Koçberan hebe. Daîreya Koçberan di guhdaŕîkirinê de derfet dide ku tu nêrîna xwe li ser bibêjî.
- Dawiyê terci-man dê bo te wê bîrnameyê bixwîne ku guhdaŕîkerî nivîsiye. Eger xeletî tê de hebin, divê ku tu bibêjî guhdaŕîkerî. Tu dikarî herwiha tiştan lê zêde bikî. Pişfî wê bîrname tê îmkazirin û kopiyekê jê didin te.

Pişfî guhdaŕîkirinê çî dibe?

- Eger paşî bixwazî zêdetir agahî yan belgeyan pêşkêş bikî, bi nivîskî bişîne. Em li ser telefonê behsa mesela te nakin, çunkî em nikarin piştrast bin ka telefonker kî ye.
- Daîreya Koçberan biryarê li ser agahiyên te di guhdaŕîkirina penaberiye de dayî û belgeyên din yê pêşkêşkirî dide. Daîreya Koçberan dikare bo biryarê li agahiyên girîng ji çavkaniyên aşkere li bigere.
- Eger biryar bidin ku te vegeŕînin welatekî din, mafê te heye li dadgehê itiraz bikî. Dikarî ji dadgehê bixwazî ku li Fîrlandayê bimînî heta ku dadgeh itiraza te bimeşîne.
- Eger daxwaza te li Fîrlandayê neyê lêkolîn, dikarin te vegeŕînin û qedexeya hatina Fîrlandayê li ser te bidin.
- Eger dawa te neyê lêkolîn yan dawanameya xwe betal bikî, dikarî dawa alîka-riya vegera dilxwazane bikî. Bo wergrtina alîkariyê hinek şert hene û tîn lêkolîna gava ku daxwaz bikî. Ji navenda pêşwazîkirina xwe şîretan bîpîrsî yan li agahiyan û tîkiliriyên li malpera şîretên vegeŕê ya Daîreya Koçberan binêrîn migri.fi/paluu.